



Broj:  
Ilidža,

Na osnovu člana 90. Statuta Općine Ilidža ("Službene novine Kantona Sarajevo", broj: 33/10 i 18/16), člana 10. Pravilnika o kriterijima, uslovima i postupku za ostvarivanje prava na poticaj u poljoprivrednoj proizvodnji, broj: 02-20-2651/21, od 03.06.2021. godine i člana 15. Odluke o izvršenju Budžeta Općine Ilidža za 2021. godinu, na prijedlog Službe za privredu i turizam, Općinski načelnik objavljuje:

## JAVNI POZIV ZA OSTVARIVANJE PRAVA NA POTICAJ U POLJOPRIVREDNOJ PROIZVODNJI

### I PREDMET JAVNOG POZIVA

Predmet Javnog poziva je ostvarivanje prava na novčane poticaje iz člana 2. Pravilnika o kriterijima, uslovima i postupku za ostvarivanje prava na poticaj u poljoprivrednoj proizvodnji i to za :

- Animalnu proizvodnju;
- Biljnu proizvodnju;
- Gljivarsku proizvodnju .

### II PRAVO NA APLICIRANJE

Pravo na apliciranje za ostvarivanje prava na direktne novčane poticaje imaju:

- registrovana pravna lica sa sjedištem i koja ostvaruju poljoprivrednu proizvodnju na području općine Ilidža;
- registrovana fizička lica sa sjedištem i prebivalištem vlasnika obrta srodne djelatnosti na području općine Ilidža i koji poljoprivrednu proizvodnju ostvaruju na području općine Ilidža;
- neregistrovana fizička lica sa prebivalištem na općini Ilidža i poljoprivrednom proizvodnjom na području općine Ilidža.

### III POTREBNA DOKUMENTACIJA ZA OSTVARIVANJE PRAVA NA NOVČANE POTICAJE

**Dokumentacija za ostvarivanje prava na novčane poticaje:**

1. potvrda o upisu u Registar poljoprivrednih gazdinstava i Registar klijenata za tekuću godinu, izdata od nadležne općinske službe;
2. dokaz o sjedištu odnosno prebivalištu na području općine Ilidža:
  - za pravna lica izvodom iz sudskog registra;
  - za registrovana fizička lica – općinskim rješenjem o registrovanom obrtu;

Za ostvarivanje prava na novčani poticaj za **animalnu proizvodnju** kandidati su dužni dostaviti slijedeću dokumentaciju:



1. potvrdu o zdravstvenom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite, izdatu od ovlaštene veterinarske organizacije sa područja Kantona Sarajevo (na obrascu A-11);
2. potvrdu na obrascu A-12, izdatu od nadležne općinske službe:
  - o lokaciji objekta, odnosno da se objekat za držanje stoke nalazi na području na kojem je dozvoljeno držanje stoke;
  - o površini prostora objekta namijenjenog za držanje i uzgoj stoke.

Za ostvarivanje prava na novčani poticaj za **biljnu proizvodnju**, kandidati su dužni dostaviti slijedeću dokumentaciju:

1. ZK izvadak ili Posjedovni list, odnosno ugovor o zakupu i ZK izvadak ili Posjedovni list zakupodavca, ukoliko se radi o zakupu zemljišta (ugovor treba biti ovjeren od strane nadležne općinske službe);
2. kopiju katastarskog plana parcele na kojoj je zasnovana proizvodnja.

Za ostvarivanje prava na novčani poticaj za **gljivarsku proizvodnju**, kandidati su dužni dostaviti fitopatološki nalaz za kompost izdat od nadležne institucije.

#### IV OPŠTI I POSEBNI USLOVI

**Opšti uslovi** za ostvarivanje prava na direktni novčani poticaj su:

- da je upisan u Registar poljoprivrednih gazdinstava i Registar klijenata kod nadležne općinske službe;
- da ima sjedište odnosno prebivalište na području općine Ilidža;
- da je zdravstveno stanje životinja i provedene mjere u skladu sa utvrđenim propisima iz oblasti veterinarstva;
- da se objekat za držanje stoke nalazi na području gdje je dozvoljeno držanje stoke i sa propisanom površinom namjenjenoj za držanje i uzgoj stoke;
- za biljnu proizvodnju da ima zemljište u vlasništvu, posjedu ili zakupu;
- za gljivarsku proizvodnju da je kompost fitopatološki ispitan.

#### **Posebni uslovi za animalnu proizvodnju:**

Za ostvarivanje prava na novčani poticaj za sve animalne proizvodnje, kandidat treba da ispunjava slijedeće uslove:

- da posjeduje životinje obilježene propisanim ušnim markicama;
- da posjeduje odgovarajući objekat zadovoljavajućeg kapaciteta za držanje životinja;
- da objekat za držanje stoke ispunjava zootehničke i zoohigijenske mjere (higijena, svjetlost, prozračnost, propisana površina prostora po grlu);

Za ostvarivanje prava na novčani poticaj za **farmu mliječnih krava**, kandidat treba da ispunjava slijedeće uslove.

- da posjeduje najmanje dvije muzne krave;
- da posjeduje muzne krave tokom cijele godine;
- da posjeduje potvrdu o zdravstvenom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite, izdatu od ovlaštene veterinarske organizacije sa područja Kantona Sarajevo (na obrascu A-11);
- da posjeduje potvrdu na obrascu A-12, izdatu od nadležne općinske službe, o lokaciji objekta, odnosno da se objekat za držanje stoke nalazi na području na kojem je dozvoljeno držanje stoke, i o površini prostora objekta namijenjenog za držanje i uzgoj stoke.



Za ostvarivanje prava na novčani poticaj **za vlastiti uzgoj priplodnih junica**, kandidat treba da ispunjava slijedeće uslove:

- da uzgoji najmanje dvije junice;
- da na farmi od vlastitih grla osnovnog stada mliječnih krava na gazdinstvu uzgoji priplodne junice za remont ili proširenje osnovnog stada mliječnih krava;
- da uzgoji junice od najmanje četiri mjeseca gravidnosti;
- da posjeduje pasoše za krave od kojih potiču junice;
- da posjeduje Uvjerenje o vještačkom osjemenjavanju i utvrđenoj gravidnosti od najmanje četiri mjeseca za junice, izdato od veterinarske organizacije sa područja Kantona Sarajevo;
- da dostavi izjavu ovjerenu u Općini da će navedena grla junica držati u vlastitom uzgoju najmanje dvije godine;
- da posjeduje potvrdu o zdravstvenom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite, izdato od ovlaštene veterinarske organizacije sa područja Kantona Sarajevo (na obrascu A-11);
- da posjeduje potvrdu na obrascu A-12, izdato od nadležne općinske službe, o lokaciji objekta, odnosno da se objekat za držanje stoke nalazi na području na kojem je dozvoljeno držanje stoke, i o površini prostora objekta namijenjenog za držanje i uzgoj stoke.

Za ostvarivanje prava na novčani poticaj **za tov junadi**, kandidat treba da ispunjava slijedeće uslove:

- da utovi najmanje troje junadi;
- da je nabavio muški podmladak za tov;
- da tovi nabavljenu junad;
- da je maksimalna ulazna težina junadi uvedenih u tov 200 kg po grlu, a minimalna izlazna težina junadi 450 kg, uz minimalno trajanje tova od 210 dana, a maksimalno 300 dana;
- da u toku tova provodi veterinarske mjere zdravstvene zaštite junadi;
- da posjeduje pasoše za junad;
- da posjeduje pasoše i obrasce o kretanju (C obrazac), za kupljenu junad na području BiH;
- da posjeduje carinsku deklaraciju i pasoše za uvezenu junad;
- da posjeduje potvrdu o zdravstvenom stanju junadi na kraju tova, izdato od ovlaštene veterinarske organizacije sa područja Kantona Sarajevo;
- da posjeduje potvrdu o zdravstvenom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite, izdato od ovlaštene veterinarske organizacije sa područja Kantona Sarajevo (na obrascu A-11);
- da posjeduje potvrdu na obrascu A-12, izdato od nadležne općinske službe, o lokaciji objekta, odnosno da se objekat za držanje stoke nalazi na području na kojem je dozvoljeno držanje stoke, i o površini prostora objekta namijenjenog za držanje i uzgoj stoke.

Za ostvarivanje prava na novčani poticaj **za farmu ovaca**, kandidat treba da ispunjava slijedeće uslove:

- da posjeduje farmu ovaca sa minimalno 40 grla;
- da su sve kategorije ovaca starije od 6 mjeseci;
- da su sve ovce obilježene u skladu sa Pravilnikom o obaveznom obilježavanju;
- da kandidat tokom cijele godine drži ovce na području općine Ilidža;
- da posjeduje potvrdu o zdravstvenom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite, izdato od ovlaštene veterinarske organizacije sa područja Kantona Sarajevo (na obrascu A-11);



- da posjeduje potvrdu na obrascu A-12, izdatu od nadležne općinske službe, o lokaciji objekta, odnosno da se objekat za držanje stoke nalazi na području na kojem je dozvoljeno držanje stoke, i o površini prostora objekta namijenjenog za držanje i uzgoj stoke.

Za ostvarivanje prava na novčani poticaj **za farmu koza**, kandidat treba da ispunjava slijedeće uslove:

- da posjeduje farmu koza sa minimalno 25 grla;
- da su sve kategorije koza starije od 6 mjeseci;
- da ispunjava uslove za držanje koza u skladu sa Zakonom o zabrani držanju koza;
- da posjeduje saglasnost nadležne općinske službe za držanje koza u stajskom uzgoju;
- da su sve koze obilježene u skladu sa Pravilnikom o obaveznom obilježavanju;
- da posjeduje potvrdu o zdravstvenom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite, izdatu od ovlaštene veterinarske organizacije sa područja Kantona Sarajevo (na obrascu A-11);
- da posjeduje potvrdu na obrascu A-12, izdatu od nadležne općinske službe, o lokaciji objekta, odnosno da se objekat za držanje stoke nalazi na području na kojem je dozvoljeno držanje stoke, i o površini prostora objekta namijenjenog za držanje i uzgoj stoke.

Za ostvarivanje prava na novčani poticaj za farmu **za tov piladi**, kandidat treba da ispunjava slijedeće uslove:

- da utovi minimalno 3000 komada po turnusu na godišnjem nivou;
- da je kupio jednodnevnu pilad namijenjenu tovu od lica registrovanog za inkubacijsku proizvodnju jednodnevnih piladi i da istu tovi najmanje 35 dana;
- da na farmi u toku tova provodi mjere veterinarske zdravstvene zaštite;
- da posjeduje fakturu i fiskalni račun o kupovini jednodnevnih pilića;
- da posjeduje potvrdu o zdravstvenom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite, izdatu od ovlaštene veterinarske organizacije sa područja Kantona Sarajevo (na obrascu A-11);
- da posjeduje potvrdu na obrascu A-12, izdatu od nadležne općinske službe, o lokaciji objekta, odnosno da se objekat za držanje stoke nalazi na području na kojem je dozvoljeno držanje stoke, i o površini prostora objekta namijenjenog za držanje i uzgoj stoke.

Za ostvarivanje prava na novčani poticaj **za pčelinjak**, kandidat treba da ispunjava slijedeće uslove:

- da posjeduje minimalno 30 pčelinjih društava;
- da je izvršio upis u Registar pčelara i pčelinjaka, kao i ažuriranje podataka u propisanom roku u nadležnoj općinskoj službi;
- da na pčelinjaku provodi mjere veterinarsko zdravstvene zaštite;
- da je pčelinjak lociran na području općine Ilidža,

### **Posebni uslovi za biljnu proizvodnju:**

Za ostvarivanje prava na novčani poticaj **za zasnivanje novog zasada maline i jagode**, kandidat treba da ispunjava slijedeće uslove:

- da zasnuje zasad maline ili jagode minimalno površine 0,1 ha;
- zasnivanje novog zasada podrazumjeva jesenju sadnju prethodne godine i proljetnu sadnju tekuće godine;
- da je kupio deklarirani sadni materijal, zasadio i proveo odgovarajuće agrotehničke mjere, sa normativima: malina 8000 sadnica po ha, jagoda 40000 sadnica po ha;



- da posjeduje ZK izvadak ili Posjedovni list, odnosno ugovor o zakupu i ZK izvadak ili Posjedovni list zakupodavca, ukoliko se radi o zakupu zemljišta ( ugovor treba biti ovjeren od strane nadležne općinske službe);
- da posjeduje kopiju katastarskog plana parcele na kojoj je zasnovana proizvodnja.

Za ostvarivanje prava na novčani poticaj **za održavanje zasada maline i jagode**, kandidat treba da ispunjava slijedeće uslove:

- da posjeduje zasad maline ili jagode, površine minimalno od 0,1 ha;
- da je zasad zasnovan sa deklariranim sadnim materijalom, i da se provode odgovarajuće agrotehničke mjere, sa normativima: malina 8000 sadnica po ha, jagoda 40000 sadnica po ha;
- da posjeduje ZK izvadak ili Posjedovni list, odnosno ugovor o zakupu i ZK izvadak ili Posjedovni list zakupodavca, ukoliko se radi o zakupu zemljišta ( ugovor treba biti ovjeren od strane nadležne općinske službe);
- da posjeduje kopiju katastarskog plana parcele na kojoj je zasnovana proizvodnja.

### Posebni uslovi za gljivarsku proizvodnju:

Za ostvarivanje prava na novčani poticaj **za gljivarsku proizvodnju**, kandidat treba da ispunjava slijedeće uslove:

- da zasnuje proizvodnju na minimalno 15 tona komposta po kvartalu;
- da je kupio kompost sa micelijem za proizvodnju gljiva, što dokazuje fakturom i fiskalnim računom o kupovini za svaki proizvodni ciklus, ukoliko se radi o kupovini na području BiH, a ukoliko se radi o kupovini van područja BiH, izvodom iz banke da je izvršena uplata;
- da je na kupljenom kompostu proizveo gljive u zatvorenom prostoru.

### V IZNOS NOVČANIH POTICAJA

Utvrđuju se novčani iznosi i normativi za direktne novčane poticaje za tekuću proizvodnju po jedinici i vrsti ostvarene proizvodnje: animalna proizvodnja, biljna proizvodnja i gljivarska proizvodnja, dati u tabeli:

R/B	MODELI PODSTICAJA	IZNOS U KM/JEDINICI MJERE  (fizička ne registrovana lica)	IZNOS U KM/JEDINICI MJERE  (registrovana fizička lica-dopunska djelatnost)	IZNOS U KM/JEDINICI MJERE  (registrovana pravna i fizička lica-osnovna djelatnost )	NAJMANJE NORME I LIMITI ZA POTICAJ
	<b>1) ANIMALNA PROIZVODNJA</b>				
1.a)	Farma mlječnih krava	120,00 KM/grlo	150,00 KM/grlo	200,00 KM/grlo	2-10 grla



1.b)	Vlastiti uzgoj priplodnih junica	250,00 KM/grlo	300,00 KM/grlo	400,00 KM/grlo	2-5 grla
1.c)	Farma za tov junadi	100,00 KM/grlo	150,00KM/grlo	200,00 KM/grlo	3-10 grla
1.d)	Farma ovaca	12,00 KM/grlo	14,00 KM/grlo	16,00 KM/grlo	40-120 grla
1.e)	Farma koza	14, 00 KM/grlo	16,00 KM/grlo	20,00 KM/grlo	25-100 grla
1.f)	Farma za tov piladi	0,00 km/tovno pile	0,04 KM/tovno pile	0,05 KM/tovno pile	Min. 3000 po turnusu- max.4000 tovnih piladi godišnje
1.g)	Pčelinjak	15,00 KM/ pčelinje društvo	18,00 KM/ pčelinje društvo	20,00 KM/pčelinje društvo	30 do 100 pčelinjih društava
<b>2) BILJNA PROIZVODNJA</b>					
2.a)	Zasnivanje novog zasada maline i jagode	180,00 KM/ o,1ha	200,00 KM/0,1ha	250,00 KM/0,1ha	0,1ha-1.00ha jedne vrste voća sa prosječnom normom sadnje za određenu vrstu ( jedna parcela min. 0,1 ha)
2.b)	Održavanje zasada maline i jagode	150,00 KM/ 0,1ha	180,00 KM/0,1ha	200,00 KM/0,1ha	0,1 ha- 2,00 ha jedne vrste voća sa prosječnom normom sadnje za određenu vrstu( jedna parcela min 0,1ha)



	<b>3) GLJIVARSKA PROIZVODNJA-proizvodnja u zatvorenom prostoru</b>	0,00 KM/tona komposta po kvartalu	15,00 KM/tona komposta po kvartalu	20,00 KM/tona komposta po kvartalu	Min.15t-po kvartalu max.100t  komposta po godišnje
--	--	-----------------------------------	------------------------------------	------------------------------------	---

Ukoliko kandidat podnese više zahtjeva za novčane poticaje po raznim osnovama maksimalni iznos koji se može ostvariti-isplatiti za sve podnesene zahtjeve je 2.000,00 KM.

## VI PODNOŠENJE ZAHTJEVA

- zahtjevi za ostvarivanje prava za novčane poticaje podnose se na protokol Općine Ilidža;
- uz zahtjev se prilaže propisana dokumentacija (orginal ili ovjerena kopija) ne starija od tri mjeseca, osim potvrde o upisu u Registar poljoprivrednih gazdinstava/ Registar klijenata i Registar pčelara, ne starije od jedne godine.
- dostavljeni zahtjev i dokumentacija uvodi se u djelovodnik predmeta i akata i momentom upisa postaje službena dokumentacija.

## VII PROVOĐENJE POSTUPKA

Služba za privredu i turizam provodi upravni postupak, poduzima aktivnosti u svrhu eventualnih ispravljanja nepravilno popunjenih zahtjeva ili upotpunjavanja nekompletne dokumentacije, zapisnički konstatuje činjenice, te nakon provedenog postupka utvrđuje ispunjenost uslova i donosi Rješenje o isplati poticaja.

## OBJAVLJIVANJE JAVNOG POZIVA I ROK ZA PODNOŠENJE PRIJAVA

Javni poziv će biti objavljen na web stranici Općine Ilidža, oglasnoj ploči Općine Ilidža i oglasnim pločama svih mjesnih zajednica na području općine Ilidža.

U jednim dnevnim novinama će biti objavljeno obavještenje o raspisivanju javnog poziva.

**Zahtjevi se podnose od dana objavljivanja javnog poziva na web stranici Općine Ilidža do 30.11.2021.godine.**

Obrasci zahtjeva za ostvarivanje prava na novčani poticaj mogu se preuzeti u Centru za pružanje usluga građanima u Općini Ilidža (Info desk), u ulici Butmirska cesta 12 , i putem web stranice općine Ilidža: [www.opcinailidza.ba](http://www.opcinailidza.ba) .

Sve dodatne informacije u vezi sa učešćem na Javni poziv mogu se dobiti putem kontakt telefona broj: 033 775 753 i 033 775 790.

## VIII OSTALE ODREDBE

Nakon provedene procedure i donošenja Rješenja Služba će kontinuirano pratiti i provjeravati do isteka kalendarske godine činjenično stanje ostvarene proizvodnje.





Ukoliko utvrdi da su sredstva na ime novčanih poticaja utrošena nenamjenski ili ostvarena na osnovu lažno prikazane proizvodnje ili lažne dokumentacije, Služba će donijeti Rješenje o povratu sredstava, a korisnik je dužan da vrati novčana sredstva u roku od 30 dana od dana pravosnažnosti Rješenja.

Novi zahtjev za poticaj može se podnijeti nakon dvije godine, od dana povrata sredstava.

OPĆINSKI NAČELNIK

Nermin Muzur, magistar uprave

DOSTAVLJENO:

1X Stručna služba - Kabinet općinskog načelnika  
1x Stručna služba za usklađenost, integritet i kontrolu kvaliteta  
1x Stručna služba za koordinaciju rada mjesnih zajednica  
1x Služba za privredu i turizam  
1x Oglasna ploča  
1x a/a

